

HIEROSOLYMITANORVM PATRIARCHARVM SERIES EX HISTORIA ECCLESIASTICA.

Iacobum, quem veteres propter singularem virtutem, qua præter cæteros præstabat, iusti cognomine donauerunt, primum sedem Episcopalem Ecclesiæ, quæ est Hierosolymis, obtinuisse memoriæ traditur. Euseb. hist. Eccl. lib. 2. cap. 1.

Vbi Iacobus martyrio obiisset, & Hierusalem paulò post esset capta, atque adeò excisa; fama est, Apostolos & discipulos Domini, qui adhuc ista lucis vsura fruebantur, vna cum his, quibus cum Domino secundum carnem intercedebat cognatio (plerisque enim illorum ad hoc vsque tempus vita suppetebat) ex omnibus locis in vnum conuenisse, consiliumque pariter iniuisse, quis in Iacobi locum succedere dignus iudicaretur. Omnes vno consensu *Simeonem* filium *Cleophæ*, idoneum habilemque, qui Ecclesiæ ibidem institutæ sede & præfectura donaretur, existimabant: qui, vt ferrur, Seruatoris consobrinus fuit. Nam *Cleopham* fratrem *Iosephi* fuisse narrat *Hegesippus*. Id. lib. 3. cap. 10.

Cum *Simeon* extremum spiritum martyrio effudisset, Hierosolymis sedem Episcopalem *Iudæus* quidam nomine *Iustus*, vnus ex infinitis illis, qui erant ex circumcissione, quique ad fidem Christi id temporis se transtulerant, proximè occupauit. Id. ibid. cap. 19.

Zachæus verò quartus fuit Hierosolymorum Episcopus, quintus *Tobias*, sextus *Beniamin*, *Ioannes* septimus, octauus *Matthias*, nonus *Philippus*, decimus *Seneca*, vndecimus *Iustus*, *Leui* duodecimus, *Ephres* decimus tertius, decimus quartus *Ioseph*, quibus omnibus decimus quintus accessit *Iudas*. Id. lib. 4. cap. 5.

Simul ac Ecclesia quæ Hierosolymis fuit, ex Gentibus coaluisset primus post Episcopos qui erant ex circumcissione, *Marcus* administrationem gregis Hierosolymitani cepit. Id. ibid. cap. 6.

Post quem, *Cassianum* Episcopatu potitum, successionum tabulæ, quæ illic seruantur, ostendunt. Tum *Publius*, deinde *Maximus*: hos sequutus est *Iulianus*. *Caius* huic successit: post *Symmachus*, & *Caius* alter: Item alius *Iulianus*, tum *Capito*, *Valens*, *Dolichianus* ordine in Episcopatum delecti fuerunt. Ad extremum *Narcissus*, trigessimus ab Apostolis successionis serie continuata, designatus est. Id. lib. 5. cap. 12.

Vbi *Narcissus* se in locum desertum subduxisset, & à nemine esset pro certo cognitum quò se recepisset, his, qui finitimis Ecclesijs præerant, visum fuit, vt alterum Episcopum suffragijs crearent: *Dius* igitur, hoc enim nomine erat, delectus est: cui non longo tempore Ecclesiam gubernanti successit *Germanion*. Quo mortuo, *Gordius* Episcopatu obtinet, cuius temporibus *Narcissus*, tanquam ex mortuis ad vitam denuò reuocatus, à fratribus, ve Ecclesiæ gubernacula denuò susciperet, vehementer rogatus est, & cum *Narcissus* non amplius propter ingrauescentem ætatem ministerio præesse posset, *Alexander* alterius Ecclesiæ Episcopus, diuina prouidentia per re-